

هائلة الحزن زاد من غاب زين لعباد

من فجائع كربلا قلبه بالألم صاد

ذولة أهل بيت النبي عزنا وعمدنا
خطواننا خط العدل واحنا ابتعدنا
كل الحقايق وضحووا كل البـرايين
هذي صحفهم بينه موجهة عدنا
علم وحلم جود وكرم أفضل الأخلاق
اشكذ ابتعدنا عن دربهـم شليردنا؟؟
واحنا بأثرهم قلنا بس جملة موالين
وانقلبت الدنيا علينا الكل يظننا
إيدي بأيديك يلتود منهج السجاد
خط المراجع بين وهذا سندنا
منحيد ابد مهمما يسمونه روافض
مانكسر مهمما بدت قللة عدنا
دم الجري في كربلا للساعة يجري
بركانه ثاير باجر يحقق وعدنا
نوالي علي وعدنا الحسن أم الحسين
حبنا لحسين الهالسبب كل من حسدنا

هيئات هيئات	غذتنا المآتم	نهتف لا يظالم
هيئات هيئات	ردت كل مكابر	ربتنا المنابر
هيئات هيئات	قدوتنا ومثلنا	من عدها انتهلنا
هيئات هيئات	جاير تنمو فينا	وكل مامر علينا
هيئات هيئات	من دافع عقيدة	جلمتنا الوحيدة
هيئات هيئات	دم الطف تكلم	ياطاغي تعلم
هيئات هيئات	ترجع وبجدارة	باجر هالعبارة
هيئات هيئات	مهدينا وأملنا	لمن يهتف لنا
هيئات هيئات	يصرخ بالملايين	ماينذل ولايلين
هيئات هيئات	يتباين رعبهم	يتفرهد جمعهم

هاليلة الحزن زاد
من غاب زين لعباد
من فجائع كربلا قلبه بالألم صاد

جدي سرى للمقدس بأشرف مراتب
تحفّه ملايكة السما وشاف العجايب
وأنه براقبي ناقة عجفة وهزيمة
بدال الملايك تمشي ويأي النواصب
جدي وصل عرش الله واستبشر وشافه
وأنه شفت من سفرتي كل الغرايب
ماساعة بسمت شفّتي ولاهجع قلبي
واللي فرى لي مهجتي بين الأجانب
عمتي اللي ما واحد قدر ينظر لها ظلال
توقف مبين ابن الدعي وأهل المثالب
جانت قبل متبخترة تمشي عزيزة
تاليها لنها حايرة جاوينه غالب؟؟؟

ياريت ياريت	ولا نسواني تنذل	تمنيت الأجل حل
ياريت ياريت	ماحد حن لجلها	مربوقة بحبلها
ياريت ياريت	عن خيته يسايل	تمنيته بوفاضل
ياريت ياريت	يوصلها ويسرها	ينظرها بأسرها
ياريت ياريت	مغمومة بألمها	ريته يلقي يمها
ياريت ياريت	وأنه ادري متنفع	لا ماساعة تهجع
ياريت ياريت	تناديك الأيامي	ياساقي اليتامي
ياريت ياريت	ويخفف ألمنا	عنا الساعة يمنا

هائلة الحزن زاد
من غاب زين لعباد
من فجائع كربلا قلبه بالألم صاد

هايمه اعيوني ظلت بعالم خيال
لا زاد يهنائي ولا يرتاح بالي
كلما أهيم بخاطري تتراوى ليّه
كرب المصائب كربلا وانكر ابطيالي
آنة ادقنت زين السما بيدي وحضنته
واشلت سهم الفاجعة ياهضم حالي
شفتنه بلا راس ودمع عيني هملته
مقطع وذر ياريت مقطوعه اوصالي
واما الرضيع اشكد فجعتني من نظرتنه
منه اشفاقه ذابله والقلب صالي
من عوض ميهزون مهده ويرضعونه
صار المهذو صدر الأبو صدر امه خالي

لا ما أنساه	وبدمه تعفر	هيهات أنسى لكبر
لا ما أنساه	وعلغبرة تلوى	عطشان ماتروى
لا ما أنساه	هلي بيوم عرسه	لو أنسى مأنسى
لا ما أنساه	بدم نحره تحنى	جسام ماتهنى
لا ما أنساه	كافل للأرامل	لو أنسى بوفاضل
لا ما أنساه	وجفوفه قطيعة	مرمي عشريعة
لا ما أنساه	ودمعاتي بجفوني	تتسايل عيوني
لا ما أنساه	أنصار الغياري	والربحوا التجارة